

[illegible]

序

繹史百六十卷今靈陽

令鄒平馬侯所撰計爲

部有五首曰太古部卷

十次曰三代部卷二十

又次曰春秋部卷七十

又次曰戰國部卷五十

合其末之十卷曰外錄

部者共百六十卷而編
成統名之曰繹史而因
前侍御八寶喬公緘眎
予屬爲其敘予啓而讀

之幾兩月而業始率乃
喟然嘆曰嗚呼斯文之
在天壤猶日月也歷終
古而常新猶江河也逮

尾閼而愈大謏聞小生
少見多怪動謂古今人
不相及豈不謬哉試以
秦後所稱經世大典言

之自漢而後有畧漢以
前無有也自晉而後有
部晉以前無有也自唐
而後有典自宋而後有

目唐與宋以前無有也

自元而後有考自明而

後有補元與明以前無

有也迄今而繹史復出

矣以一人攬百世之奇
以十年窮三才之業試
取漢畧晉部唐典宋目
元考明補與繹史相衡

古今人果不相及否也
予讀之善其獨勝古人
者有四焉一曰體製之
別創也編年之例肇自

丘明荀氏而下莫之能
易晉乘越絕楚檣杙無
論已馬侯舉例發凡惟
以事爲經而不襲夫系

月系時之故其獨勝者
一也一曰譜牒之咸具
也年月之表起自司馬
范曄而後莫之能述三

國六朝五代無論已馬

侯鱗次眉列兼以圖佐

表而一洗夫有學無問

之陋其獨勝者二也一

曰紀述之靡舛也書以
漢紀而上述犧年志繇
宋名而汎取鳥紀顧名
思義究何居焉繹史則

上溯太皞下訖亡秦紀
事紀人總以首尾爲疆
畔其獨勝者三也一曰
論次之最覈也中壘著

書僅有題署承旨作史
并絕贅疣知人論世不
太畧歟繹史則文成踰
萬其旨盈千或奪或予

遂以筆舌爲袞鉞其獨
勝者四也至於萬千百
國十有二代之間大而
洪荒剖判之繇小而名